

道言正月長齋誦誦是經為上世亡寃斷地  
 逮役度上南宮詣三元洞宮主生太陽火官  
 焚除罪簿赦免吞火食炭洋銅沸鑊銅柱鐵  
 床燒烹炮烙衆苦之罰經道神力變成清池  
 獄具惡器悉為蓮花七月長齋誦誦是經為  
 上世亡寃祖考宗烟昇遷鍊化削滅罪緣慶  
 流孫曾詣三元洞宮主死太陰水官漂蕩刑  
 書滌濯元界淨除溟波海漬沒溺寒夜冰池  
 雷震霹靂泉曲徒役絞水暴注湍激驚濤衆  
 苦之罰經道神力變成安室獄具惡器悉為  
 樂玩十月長齋誦誦是經為上世亡寃姑妣  
 娣姒往逝婦姬解斷徵呼復連傳逮詣三元  
 洞宮主生死罪錄官釋放考掠訊訟簿錄證  
 佐對定寃仇銜負悔恨嗚嗚追召衆苦之罰  
 經道神力變成德友獄具惡器悉為珍寶八  
 節之日誦誦是經奉詣九宮直符九府直事  
 八方大獄九幽泉牢開通八門受生八道天  
 人鬼神地獄餓鬼畜生魔帥妖魅出離禁獄  
 各乘生功度脫九幽為大苑者本命之日誦  
 誦是經為北斗司命司錄主非典禁命在斗

宮計年期月追召生寃上詣斗宮校定罪福  
 度脫三災四殺五苦六害七傷八難九厄十  
 極事在三元考官冥會謹誦衆苦之罰經道  
 神力不有傷害寃神澄正萬炁長存不經苦  
 惱身有光明三界侍衛五帝司迎萬神朝禮  
 名書上天功滿德就飛昇上清

道言行道之日皆當香湯沐浴齋戒入室  
 東向叩齒三十二通上聞三十二天心拜  
 三十二過閉目靜思身坐青黃白三色雲  
 氣之中內外蒼冥有青龍白虎朱雀玄武

獅子白鶴羅列左右日月照明洞煥室內  
 項生圓象光映十方如此分明密咒曰  
 無上玄元太上道君召出臣身中三五功曹  
 左右官使者侍香玉童傳言玉女五帝直符  
 直日香官各三十二人開啓所言今日吉慶  
 長齋清堂修行至經無量度人願所啓上徹  
 徑御  
 無上三十二天元始上帝至尊几前  
 引炁三十二過東向誦經

元始無量度人上品妙經  
 元始洞玄靈寶本章解釋幽牢開光度人諸  
 天隱韻離合自然太始無文杳冥中真元氣  
 化生紫烟氤氳風火陶埴流精自凝支勢低  
 回鑲玉鎔金垂芒駕霞采布十方混洞赤書  
 命意寫形離為萬象合為寶經累珠貫花激  
 濁揚清五老吐符皇人寫靈造化以成三界  
 開明天以之清地以之寧人以之生神以之  
 靈物以之成炁氣左騰春夏肇興天光右馳  
 秋冬滋營元始上帝命曰玉真上無復祖惟  
 道為身五文開廓普植神靈三辰揚輝營羅  
 玉清九壘植根冥渺鄴城下有天魔與道罔  
 生羅山龍源醜都肆奸蕩蕩德程洞宮榮成  
 中有萬鬼鼓鐸巨兵獄考幽陰大劫匪捐火  
 鐵億壘天地無門大悲道王天中之尊口放  
 神光光顯王文瑞霞絡碧鳳氣成雲蒸獄乃  
 開黑界光明九龍銜符鍊度種人是為大梵  
 天中之天繁蒼生知識自管內構巨業照  
 與神爭神本自天元惡相纏苦寃冥墮拘  
 重泉鬼帥執契虎卒仗鞭按券呼名敢干我

前黑甲噴火電母攝仙萬毒備形閉以天關  
沈目塞耳寥邈南丹哀企玉符赦此幽艱碧  
空莽莽九劫重山太一黃旗司命騁轅告命  
九陰典宰司殺元童都禁大君北陰大神司  
錄主算捕蒐化生四明五嶽泰山丈人解釋

幽牢無量度人今日校錄諸天臨軒

東方無極道化神王長生大聖無量度人  
南方無極度生神王長生大聖無量度人  
西方無極堅德神王長生大聖無量度人  
北方無極玄照神王長生大聖無量度人  
東北無極救苦神王長生大聖無量度人  
東南無極拔罪神王長生大聖無量度人  
西南無極濟苦神王長生大聖無量度人  
西北無極赦罪神王長生大聖無量度人  
上方無極昇度神王長生大聖無量度人  
下方無極普惠神王長生大聖無量度人  
十方至真慈化神王長生度世無量大神並  
乘流雲彩車紫蓋形輪騁駕錄象白獸斑龍  
建招神之節返生靈橋前合九真之曲後奏  
八會之音天馬麒麟騰躍辟非六丁啓道七

耀輝鍊億乘萬騎浮空而來傾先回駕賢真  
度生北陰右相洞淵化官三元助理太上靈  
君執錄持符同會帝座隨所開度嚴誓百神  
普告黃闕無極幽關悲歌九映故試大魔六  
天治獄萬鬼之管冰池沸鑊銅柱火山飛戈  
飄戰巨石刀輪三塗長役五苦夜河虛皇有  
命皆使超升北都寒池部衛形寬制魔係舉  
度品南宮死鬼受錄仙化成人身身受度劫  
劫長存隨劫輪轉與天齊年永斷幽沈苦趣  
之難超凌三界受錄洞陽洞陽之天天帝道  
元無色之境梵行

東方八天

玉餘明報天 帝蔚覽真  
蒼靈洞籍天 帝耶殊覺私  
妙極神際天 帝錄多清爽  
長智通奇天 帝元胎保真  
救寂惇和天 帝元胥子明  
玉回霞緒天 帝招靈款神  
赤瑜寶淨天 帝如輔龍珠  
道明雲觀天 帝清宣左聲

南方八天

德育正化天 帝傳明道因  
玄靈妙清天 帝粵須延生  
虛璣澄康天 帝靈潤遠聰  
彰容克聞天 帝考章常珠  
奏須曆靜天 帝婆藍宛都  
太妙希玄天 帝招真烈元  
和邊竟觀天 帝部陀鬱彌  
深極勝瑞天 帝明朝紫賓  
西方八天

鬼樞星映天 帝光輿羅軒  
超氣皇度天 帝柏華月璘  
昭寶澄觀天 帝至輔虎林  
蕩拂遠想天 帝覺慮審吳  
靈機四極天 帝考光平舒  
月廣耀產天 帝布華總陳  
昌宜管桓天 帝畢康康參  
初履制魔天 帝開圖祖玄  
北方八天 帝辨惠源  
紫華康陽天

帝憫玉濟天 帝羅述義淵

征旗開虛天 帝虛以香宗

強明拯機天 帝魯評統

太極允明天 帝未京左丘

濯儲烈和天 帝曜童高南

浸微液華天 帝踏靈宛寧

河都曲泉天 帝江定英

三十二天三十二帝諸天隱諱諸天隱名天

中空洞自然靈章諸天隱韻度幽之音降幽

之尊感幽之神解釋幽牢化度群靈九幽十

極變化幽冥無量之奧深不可詳道出神真

晉度窮鬼今日欣慶受鍊歷關諸天請滅三

惡斬絕地根飛度炎池名列太玄魔王監舉

無拘天門東斗主訟西斗司刑北斗出命南

斗變生中斗降神冤魄以靈青帝授性白帝

造形赤帝傳識黑帝運精黃帝養骨出納分

明木獄神王考掠爭析大獄神王燒焚烙炙

金獄神王斬摧鑊戈水獄神王寒冰凝列土

獄神王陷壓埋壘五獄大魔禁獄之宗飛行

肆兇總領鬼兵持刀負鑊鼓氣成風屠割幽

英酷慘莫容上天度人初告北鄰鬼相稟命

晶晶效梓鐵城摧地火網不張肩雉按戟官

虎執鎗威具威息惡氣殄亡獄化仙苑人道

翱翔敢有干試拒遏上真金鉞前衛玄轟後

停屍鬼得度衆苦斯平千出獄萬萬賦形

魔王審對鬼神考情三官北鄰明檢鬼營不

得容隱金馬驛程普告無窮萬神威聽三界

五帝列言上清

元陽玉匱區別冥寬大劫極於陽九小劫極

於陰六是時水騰火飛九六為變兵刃誅刑

山嶽搖響宇傾宙移風烟雜亂神州玉京太

玄之庭眇眇億劫非晦非明上達八剛不動

之界下極種民不易之鄉豈為龍淵玉州黃

庭三災不干有諸清靈明爽之寬皆道氣之

佑不遷不馳自無營營元始大慈赤書合明

煥爛玉屈靈縻紫清鳳戴龍角赦釋苦靈有

在三官動經億劫成壞之變業累無解因閉

幽牢劫戴拘留墮黑暗城眇眇之中上極無

色下極無淵風震九虛不知其天無光無明

洞幽洞冥形影窮極出入死生汨汨混海昧

寬交局鎖鑄鉤鉗同業積生玉章開明運度

自然玄老奮戈龍銜五篇赤書紫圖青華虎

文芒回露披金斗炳分保制劫運使天長存

陰奏結羅道力開張北山元阿徂東陔陀惡

根流演三十六都輪轉并獄周回九幽斗箕

之緯旋歷五場萬八千字總氣三元六洞列

官氣入太玄玄中大魔業等高真泛氣鼓烟

承聽玉章金馬驛告拔宿鬼營清歌召神蘭

音輔真冥滯決舒隨感受生聖真布化無幽

不聞左彌紫重右扶帝宸陽健陰闢元精化

身千和萬合自然成人輪轉五道假受成形

形中有神長生大君無英公子白元尊神太

一司命桃康合廷執符把錄保命生報三官

錫符徽帝紀名隨宿命緣三界乃生上極皇

曾色界之天桂館華房八冥之內細微之中

下及鄴羅洞陰玄宮中分九類二十四生泉

續嶽積冥漢鬼神十轉幽關苦爽齊仙仙道

貴生無量度人上開八門飛天法輪罪福禁

戒宿命因緣普受開度死鬼生身身得受生

上聞諸天諸大之上各有生門中有空洞崑

歌之章救苦靈篇辭參高真

第一泉曲府滅罪濟苦天尊解釋幽牢飛空之音

長川浩浩 洪流九源

波惡毒兮

汨沒沈淪 業纏結兮

攝縛牽連

大穴極無底 杳杳藏萬凶

冥冥衆苦矣

受報北羅酆 汲汲泉山下

督責冤何窮

鬼吏考業體 哀號震寒空

罪目在三官

苦網脫無門 飛天下太元

八道開幽關

洞文燭長夜 拔度受生魂

萬劫永逍遙

稽首荷玄恩

第二九幽府開光拔罪天尊解釋幽牢之章

崑丘差我 仰祝八鸞

遐觀十天

四睇諸方 九幽大神

變化億身

善功刻名 朽骨成仙

太一在上

綠宮光連 幽壤在下

穢氣紛紛

黑山東兮 鬼獄長存

鐵牢依南

萬劫火然 遙遙九空

流淚道恩

控域清蕩 嚴降高真

鍊鬼登玄

金錄簡文

誠坐蓮胎

得度靈身

不經三途

世世為人

慶雲飄飄

琅琅玉音

第三鄴都府五靈洞陰天尊歌曰

北淵潭潭 氣貫鬱鬱

鬼門四關

鄴山差我 六天九府

是鬼神家

癸海億萬 敬嚴獸都

洞陰流光

潛通太虛 元始真王

伏御衆魔

飛雨甘露 續委天範

瑞臻福應

度鬼其多 功德咸備

遇截安邪

惟道為謀 因識于他

內真自充

神登三華 永謝羅鄴道

仙境由是過

超昇紫雲上 偷偷入元何

此三府之上飛空之中高真靈音音參洞章

誦之百遍名度南宮誦之千遍普攝魔鬼萬

遍道備解釋煩冤超度三界簡刻太玄有聞

靈音魔王敬形勅制地祇侍衛送迎拔出地

戶五苦八難七祖昇遷永離鬼官寬度朱陵

受鍊更生是謂無量普度無窮有松上天文

諸天共所崇泄慢墮地獄禍及七祖翁

道言此二章並是諸天上帝及至靈冥尊隱

祕之音皆是大梵之言非世上常辭言極幽

黯歌洞靈靈茶故謂玄奧難可尋詳上天所寶

祕於玄都紫微上官依玄科四萬劫一傳若

有至人下濟泉局拔度幽窮救死回生齋金

寶資心依舊格告盟十天然後而付焉

道言夫依業託識依識顯神神為來往之主

識為死生之根神識業因三者為一萬劫蒙

救不脫幽閻神雖不遷因業外變六道四生

天魔秉權注籍斯艱業力胎合氣精流傳欵

爾為人福命所懸貧富貴賤簡記本緣神風

運轉萬形允宣生死之時同氣皆當齊心修

齋六時行香十遍轉經福德立降消諸不祥

無量之文普度無窮

道言夫末學道淡或仙品未充運應滅度身

經太陰臨過之時同學至人為其行香誦經

十遍以度屍形如法道業淨戒之鬼在三官

保命府左右侍中仙卿之間校記玄功者即

得乘駕飛龍侍軒帝宸修真鍊道致一守神

之鬼在東華清虛東萊童初遊散進功者即

得御素軒於此元朝太極於上官位證高仙  
預治天政主化行權清明苦爽隨世希仙三  
乘之寬在山川福壤主者之任者鬼神徑上  
南宮隨其學功計日而得更生轉輪不惑便  
得神仙

道言夫道無終始人有死生惟一真大神與  
道同體永無變滅業風乘神擇識滅性假於  
形類形同於物故有終盡終盡者形之氣氣  
之限至神不終世人惑妄認為死生執於業  
識墮於地獄迷蔽自感鬼官執錄永閉幽牢  
黑窟萬重不覩圓耀元始運應神文光麗玉  
書散芒醜形得度計日起昇冲氣滋融靈眸  
煒煥臨將錄易皆當修齋行香誦經夫齋戒  
誦經功德甚重上通九天保鎮帝王下濟冥  
途以度罪鬼生死受類其福難勝故曰無量  
普度天人  
道言凡有是經能為歷劫幽鬼苦爽無量冥  
途行是功德開度之日發心修齋燒香誦經  
十過皆諸天記名萬神侍衛右別至人剋得  
為聖君金闕之臣諸天記人功過毫分無失

天中魔王亦保舉爾身得道者乃當洞明至  
言也

諸天中大梵隱語無量音  
元始靈書解釋幽牢洞篇

道君撰

東方八天

歷阜輿衡

護民越琳

造池宛敷

果箕拒藍

崔波雲肥

魔夷鹿彬

滴無彥嘉

明微奴衡

至陳耀廬

仙期阿晏

劍島玉提

魔樓塔敷

鬼星阜房

覺體運元

善憫綠華

敵司毗南

內八字  
宗禁司

南方八天

霄虛敵熾

逸釋皆賓

墟除罔寧

偃南俎澄

月斗羅稽

孟昏社榮

寒危景魂

紫微胡凌

波陀臺阿

照徂曲征

命廷佐蕪

路百祠輪

道定虞渚

歷正孚瓊

兆堯柏璽

洞清湊管

西方八天

奏慶球疑

冲朋聯樓

此八字  
為九

迷虛蘇支

寂幾渠施

汶漢怡鑿

神斗玉儀

觀伴合積

虛持米離

玄方碧羅

陽志荒時

七覺逸祖

卷通索達

霞敷琯姬

景育度元

混幾央卑

鼓龍澤歌

他埤半飛

龍晶由媚

內八字  
城官詳

北方八天

玉蹊亂基

日淵孟池

溥載願列

坡荒元祠

絳洞妙弼

丘目蓋飛

定芒混逐

坤齊建蒙

激賊鬼鄙

煙營方仇

卯畜既明

善郎罕投

幽歌寒呱

烈燔夢遊

戟旦悅支

仙都霞周

內八字  
老內名

道言此諸天中大梵隱語無量之音舊文書  
太玄此關五靈長樓之上以開度泰山九幽  
羅鄭泉曲冥關累苦之寬擊在三官不得自  
明道逸玄空之者丹書揚之以濟淪苦昔天  
真皇人詣夜光元后模倣書之字皆廣長一  
丈八角垂芒委宛如印九六之會離為正音  
有知其音能齋而誦之者諸天皆遣飛天神

王下觀其身書其功勳上奏諸天萬神朝禮地祇侍門大敷魔王保舉上真道備剋得遊行三界昇入金門此音無所不辟無所不穰無所不度無所不成天真自然之音也故誦之致地獄釋縛長夜開曉幽牢陰界息苦超生人道安寧鬼途<sup>註</sup>解脫碧宮霞覆丹陵發光鎮靜海嶽福及萬生天垂彩耀地湧玉英冥慧洞清大量玄玄也

元始無量度人上品妙經卷之五十七

靈寶無量度人上品妙經卷之五十八 宣

迴生起死品

道言昔於紫空耀景天中玄風洞歌大靈妙土受元始度人迴生起死無量上品元始天尊當說是經周迴十過以召十方始當諸座天真大神上聖高尊妙行真人無鞅數衆乘空而來靈輝耀虛瓊車玉輿扶華宸蓋雲旌四張瑞霧交鬱彌羅八纏五日五夜諸天諸地陰陽機運一時停回玄網振肅海嶽澄明品物咸和普安其生一國地土山川林木凝鮮一等無復殘毀土皆作異寶燦爛熠熠衆真侍座元始天尊玄坐空浮萬氣雲華寶座之上說經一遍諸天大聖同時稱善是時一國男女禍害不作無有大傷說經二遍災病蠲消說經三遍翁艾返嬰說經四遍垂死得生壽獲永延說經五遍死入輪轉即獲昇遷說經六遍沈死九鍊陰質迴生說經七遍受化太玄枯骨復形說經八遍普世明悟道性還淳尚德貴正斷滅奸邪說經九遍學道得道求仙得仙說經十遍妙氣周備混合神明

是時一國是男是女莫不傾心皆受護度咸得長生

道言是時元始天尊說經一遍東方無極無量品道化大神無鞅之衆浮空而至說經二遍南方無極無量品明性大神無鞅之衆浮空而至說經三遍西方無極無量品結氣大神無鞅之衆浮空而至說經四遍北方無極無量品開慧大神無鞅之衆浮空而至說經五遍東北無極無量品生寬大神無鞅之衆浮空而至說經六遍東南無極無量品育形大神無鞅之衆浮空而至說經七遍西南無極無量品保命大神無鞅之衆浮空而至說經八遍西北無極無量品延年大神無鞅之衆浮空而至說經九遍上方無極無量品迴生大神無鞅之衆浮空而至說經十遍下方無極無量品起死大神無鞅之衆浮空而至十遍周竟十方無極天真大神一時同至一國男女傾心歸仰一切淪化沈冥屍過蒙被道恩生氣入身既死返形來者有如山嶽出雲四塞彌漫無鞅之衆迨國一半土皆偏陷

非可禁止於是元始開七寶山啓無邊目約  
 衣欽几凝觀遐想以告衆真曰衆生迷誤罔  
 覺玄真既離胎育情逐化遷緣類隨者遂生  
 業因業累賦性徇識為惡利害交攻情色蕩  
 意初為童稚逮于壯時顧視之間已及於老  
 焦牢枯竭生氣旋盡至於死壞殊不知道為  
 生德生為道根心存於道常與生俱物有生  
 死道無生死存道於形生氣自續數極形盡  
 道復能生生道既固不從化遷保形不化永  
 存綿綿迴生轉死上真所崇今為衆等開演  
 妙本普度無窮於是元始振揚華拂景霧四  
 騰如雲如煙靄浮空際去地九丈元始攝引  
 天真大神上聖高尊妙行真人十方無極至  
 真大神無鞅數衆俱在景霧之中地還平正  
 無復歎陷元始即於景霧之上說經都竟衆  
 真監度以授於我當此之時喜慶難言法事  
 粗悉諸天復位條欵之間寂無遺響是時天  
 人過值經法普得濟度永植生根無有沈淪  
 傾土歸仰咸行道心不競不擾不任不勤不  
 念不欲不貪不嗔不營不思言無滌麗口無

怨咨齊同慈愛異骨成親國安民豐欣樂太  
 平經始出教一國以道預有至心宗奉禮敬  
 皆得度世  
 道言元始天尊說經中所言並是諸天上帝  
 內名隱韻之音亦是真王迴生起死內諱百  
 靈之隱名也非世之常辭上聖已成真人通  
 玄究微能悉其章誦之十過諸天攝氣蓋道  
 齊真靈化開宣咸受玄恩生津永啓召魄收  
 魂沈零結育以返死形迴生起死白骨成人  
 至學之士誦之十過則五帝命靈三元策真  
 靈真降合死道散應濟度垂死絕而得生所  
 以爾者學士道氣未純體未契真保制萬神  
 德未全至用可回度命機開導生津但起死  
 而已不復轉輪輕誦此章身則被殃供養尊  
 禮門戶興隆世世昌熾與善因緣萬災不干  
 神明護門斯經專妙獨步玉京度人無量為  
 生道之宗魏魏大範德難可勝  
 道言凡誦是經十過諸天齊到生道開明返  
 化結軀億曾萬祖幽魂苦爽亦皆受度上昇  
 朱宮格皆九年受化更生得為真仙而好學

至經功滿德就皆得舉形飛昇金闕遊宴玉  
 京也上學之士修誦是經皆即受度飛昇南  
 宮世人受誦則延壽長年久視無窮後天長  
 存運數雖極並皆得作解化之道遁變神明  
 不經絕滅常欣保榮道逸十天此經微妙普  
 度無窮一切天人莫不受慶無量之福生死  
 蒙惠上天所寶不傳下世至士齋金寶效心  
 告盟神霄而傳輕泄漏慢殃及九祖長役鬼  
 官侍經五帝玉童玉女各二十四人營衛神  
 文保護受經者身  
 道言正月長齋誦誦是經為拔度衰亡死滅  
 極會之災得保生存七月長齋誦誦是經神  
 氣常全厄難蠲消名奏青錄當獲長生十月  
 長齋誦誦是經為普天率土保度民物仁壽  
 咸臻與天無傾世世衍溢戴仰人君安鎮國  
 祚萬劫昇平八節之日誦誦是經造化不愆  
 金木交并神氣和同養育皇靈枯朽更生受  
 其鍊度得證仙真本命之日誦誦是經身保  
 清貞體用日新禍患永消長享福祥天曹錄  
 善地司滅連慶延七祖名奏三天功滿德就

飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外竊冥有青龍白虎朱雀玄武  
獅子白鶴羅列左右日月照明洞煥室內  
迴生起死玄化大神侍衛前後項生圓象  
光映十方如此分明密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人關啓所言今日吉慶  
長齋清堂修行至經無量度人願所啓上徹  
徑御  
無上三十二天元始上帝至尊几前畢  
引炁三十二過東向誦經

元始無量度人上品妙經  
元始洞玄靈寶本章迴生起死萬變度人真  
玉隱韻混合自然玉虛妙文總括至神元始  
之初洞化玄元肇明三氣生育萬靈是為道  
本無所不真陰陽總會玉華煥彰無文不光

無文不明無文不立無文不成無文不度無  
文不生是為大梵妙粹之宗紫清上京瓊室  
雲房極真所御生化之根浩浩帝氣或聚或  
分朱陵丹天瑤臺蘭風玉宸紫館方諸鬱青  
巡布流衍周迴十方中有度人起死之神中  
有迴生結化之君中有三素元君大神中有  
十方皇靈丈人中有南上司命司錄延壽益  
算度厄尊神迴生起死無量度人今日校錄  
諸天臨軒

東方無極度命神王長生大聖無量度人  
南方無極鍊魂神王長生大聖無量度人  
西方無極衛質神王長生大聖無量度人  
北方無極保化神王長生大聖無量度人  
東方無極致仙神王長生大聖無量度人  
東南無極寶氣神王長生大聖無量度人  
西南無極迴生神王長生大聖無量度人  
西北無極起死神王長生大聖無量度人  
上方無極超形神王長生大聖無量度人  
下方無極成德神王長生大聖無量度人  
十方至真飛天神王迴生起死無量大神並

乘輿彩梵氣金宸紫翠流華景雲瓊鑿散花  
八威羽輦絳旂組帷霞輪珠蓋駉駕龍鳳連  
執巾幢前嘯玉真齊唱後吹簫籟同鳴獅子  
白鶴嘯歌雍雍六真啓途四將翼轅億乘萬  
騎浮空而來傾光回駕起死迴生天機丞相  
南昌上官韓司主錄監生大神執錄把籍齊  
到帝前隨所應度嚴校諸天普告三界無極  
神鄉泉曲之府北都羅鄴三官九府十二河  
源速召司命迴生命運算窮增壽形死易籤  
句姓移名黑籍灰焚上解祖考億劫種親疾  
除罪薄落滅惡根不得拘留逼合鬼群元始  
符命時刻昇遷北都寒池部衛形鬼制魔保  
舉度品南宮死竟受鍊仙化成人身身受度  
劫劫長存隨劫輪轉與天齊年永度三途五  
苦八難超凌三界逍遙上清上清之天天帝  
洞真無色之境梵行

東方八天  
洞幾寂夷天 帝重光睇明  
孔常茂祺天 帝瑤旁祖瑤  
彥慶漢度天 帝翹亞寵璐